



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXXVII. Augustino tria religiosæ vitæ consilia diuinitus insinuantur.

urn:nbn:de:hbz:466:1-42857

Rom. 13. periodum: *Non in comessationibus & ebrietatibus, non in cubilibus & impudicijs, non in contentione & amulatione: sed induimini Dominum IESVM CHRISTVM, & carnis prouidentiam ne feceritis in concupiscentijs.*

CAPVT XXXVII.

Augustino tria religiosa vitæ consilia diuinitus insinuantur.

Omnes circa vitæ institutū dubitationes Augustino suauescunt.

SUBSTITIT hīc, nec vltiorem lectionem adhibuit: statim enim omnes illæ dubitationes ac perturbationes, quas adhuc circa vitæ institutum passus erat, velut fumi quidam confestim euanuere, ac quasi squamæ Paulinæ subito decidere. Facile namque poterat advertere, sibi (velut & ceteris quibuslibet, sublimiorem in cælo mansionem per monasticam vitam affectantibus) Euangelicam hisce verbis perfectionem, triaque religiosæ vitæ consilia diuinitus commendari. Ac in primis paupertatem, quæ opum contemptrix est, omnemque intemperantiam auersatur, his verbis: *Honestè ambulemus, non in comessationibus & ebrietatibus.* Castitatem autem quæ aduersatur turpitudini, sequentibus verbis: *Non in cubilibus & impudicijs.* Obedientiam denique, quæ alteri cedit, atque morem in omnibus gerit, per hæc verba: *Non*
in con-

in contentione & emulatione: sed induimini
 Dominum IESVM CHRISTVM; efficiendo ni-
 mirum, vt is in omni vestra actione se pro-
 dat, perque omnem vitam eluceat: verbo
 enim *induendi*, Hebraei copiam significare ^{Quid sit}
 solent. Vnde Psalmographus significare ^{Christum}
 volens, maximam fore omnium copiam, ^{inducere.}
Induti, inquit, *sunt arietes ouium.* Vult igi- ^{Psal. 64.}
 tur, Chryostomo interprete, nos vndique
 Christo ita circumdari, sicut vestimento;
 vt in omnibus eius voluntariam paupertate-
 tem, perpetuam castitatem, integram obe-
 dientiam, aliasque virtutes heroicas expri-
 mamus, omnesque cum interiores tum ex-
 teriores actus nostros in ipsum dirigamus.
 In quod studium nulli hominum magis
 incumbunt, quam Euangelicæ perfectionis
 professores, habitibus prauis & maculosis
 suorum affectuum, velut calceis, instar
 Moyfis, sub interminatione mortis eternæ, ^{Exod. 3.}
 semet exuentes; iidemque vi consiliorum
 Euangelicorum, (quæ in præceptum spon-
 taneâ vouentium electione transferunt)
 instituti sui regulis semet attemperantes.
 Quibus denique subiungitur aptissime:
Carnis providentiam ne feceritis in desiderijs,
 cum eiusce curam habere oporteat iuxta
 corporis indigentiam, non verò iuxta eius-
 dem de peccato natam cupiditatem: quod

*Religiosi
hominis
munia.*

hi faciunt Religiosi, quæ sursum sunt sapientes, non quæ super terram. Iidem corporis illicita desideria circumcidunt, sensuum ad mala pronos impetus refrænant, honorum onera dignitatumque molestias abijciunt; delicias & voluptates, quamvis licitas, abnegationis sui studio non admittunt: virtutibus in primis vacant, familiarique velut Dei colloquio fruuntur; indeque percipiunt ineffabilem istam dulcedinem, quam in lectione Epistolæ D. Pauli sensit Augustinus, cui

*Paulinus
ad Cicerium.*

*— in suarum literarum corpore
Paulus magister adfuit,
Amansq; puro corde lectorem sui,
De mortis abduxit manu.*

CAPVT XXXVIII.

Augustinus monasticæ vitæ genus firmiter amplecti decernit, ei fit comes Alipius.

ITAQUE his Apostoli verbis excitus Augustinus, quid sibi contigerit, Alipio narrat: qui rei miraculo percussus, institit videre quid legisset; sententiamque deinceps persequens, consequenter legit: *Infirmum autem in fide assume*: quod ille ad se referens, in religiosi cœlibatus proposito (quod hic lib. 8. cap. 12. & supra cap. 6. placitum vocat) Augustino socius esse decrevit: